

Kòkòbì ìrì ní
Pétêró
ní sǐ rǐ
Tǎ búkũ rǐ vé rǐ ǎ ùlũngará

Pétêró sǐ kòkòbì 'dìri sêé Kūrísítīyánī urukọ ní, lókí ìri ní nǐzú ámázú 'yozú kìnī, 'bá urukọ lèkí 'ì 'dì' dǐ rǐ gé. Lě lǔú Kūrísítīyánī rǐ pì ní 'yozú kìnī, lě adringará kòpivé rǐ ǎ sě ǎyĩkò Múngú ní. Kòkòbì 'dìri agá, sǐ kìnī, tǎ nǐngará Múngú ní sêé kòpì ní, ǎzini Yèsù Kúrísítò ní sêé kòpì ní, ǎzini kòpì ní ìsù 'bá urukọ' bée vùgá rǐ, lě kòpì ǎ kukí ku. 'Yo kòpì ní kìnī, lě kòpì ǎ adrikí mì be kowu 'bá ìmù' 'bá ǎngũ ìmbá' 'bá ùnjò sǐ 'bá kǎnísǎ vé rǐ pì ǎsámvú gé rǐ pì vé tǎ sǐ. 'Bá ǎngũ ìmbá' 'bá ùnjò sǐ rǐ pì, kòpì rǐ 'bá rǐ pì ìmbá tǎ ùnjí sǐ, ǎzini kòpì rǐ 'yo, Kúrísítò ìgò ku. 'Bo Pétêró 'yo kìnī, Kúrísítò rǐ ìgò rá, Múngú rǐ ngá 'í ní gbiú lókí nòri vé rǐ pì ú' dǐ rá. Ìri gò ngá ú' dǐ gbi ụkụ rǐ ǎ vùrǎ gá, kòpì adri ùnjìkǎnyǎ ǎkó.

¹ Ma Sǐmónǎ Pétêró 'ì, ǎtí' bágú, ǎzini Yèsù Kúrísítò vé 'bá áyúáyũ ní.

Á sǐ kòkòbì 'dìri sêé 'bá Yèsù rǐ ẹ'yǐ' 'bá gí sǐ 'bá ní ẹ'yǐ' rǐ tǐnì rǐ pì ní. Ẹ'yǐngará 'dìri tǎ be ǎmbúgú, sêkí ìmi ní tǎ pìrì Yèsù Kúrísítò 'bávé Múngú 'bá Paápì rǐ vé tǎ sǐ.

² Ẹsì múké, ǎzini tǎkírì Múngú vé rǐ ǎ ga ìmí ẹsì agá tré tré. Lě ìmi 'bǎkí ẹsì rizú tǎ Múngú vé rǐ ùnǐzú, ǎzini Úpí Yèsù vé rǐ ùnǐzú muzú dǐ' dǐ.

Adringára Múngú agá rĩ

³ Múngú vé ũkpō sī, sē 'bá ní ngá ārēvú céré 'bá ní tā 'ozú āní múké āyīkō sēēpi ĩri ní rĩ pi gí. Sē 'bá ní ngá 'dĩ'bée, 'bá ní ĩri nīi gí rĩ sī. Múngú zī 'bâ, 'bâ ímúkí rí ívé dīngára pōwŭpōwŭ rĩ ālěé, āzini ívé adringára múké 'dĩri ālěé 'í be trú.

⁴ Múngú ẹzi 'bá ní tā āmbúgú, 'bâ íkókí rí ívé adringára múké rĩ āní, āzini 'bâ kukí rí ẹsị 'bá ní rií 'bāá tā ũnjí 'ozú rĩ rá, āzini 'bâ kukí rí ẹsị āmbúgú 'bá ní rií 'bāá ngá drīgé nyọọkú drīgé nōgó rĩ āní.

⁵ Lē ĩmi rúkí ĩmivé ẹ'yīngára rĩ títí. Ẹ'yīngára rĩ ā vùdrī gé, lē ĩmi 'okí tā múké, tā múké rĩ ā vùdrī gé, lē ĩmi adrikí tā nīngára be,

⁶ tā nīngára rĩ ā vùdrī gé, lē ĩmi ũtēkí ĩmi ũtētē tā ũnjí sī, ũtēngára rĩ ā vùdrī gé, tā ẹnjīẹnjī agá, lē ĩmi úmbékí ẹsị, ẹsị úmbéngára rĩ ā vùdrī gé, lē ĩmi 'okí tā Múngú ní āyīkō sēēpi ní,

⁷ tā 'ongára Múngú ní āyīkō sēēpi rĩ ā vùdrī gé, ĩmi ẹdrípíi rú, lē ĩmi lēkí ĩmi lēlē ĩmi āsámvú gé sī, lēngára rĩ ā vùdrī gé, lē ĩmi lēkí 'bá rĩ pi ārēvú céré.

⁸ ĩmi 'dukí dō tā 'dĩ'bée ārēvú ngaá céré rá, ĩri lū 'yozú kíní, ẹsị ĩmi ní 'bāá 'bávé Úpí Yésū Kúrísítō ri nīzú rĩ, ũ'a ni ri índré ĩmí rú' 'bá gá bá, pámvú ni ri índréndrē.

⁹ 'Bo 'bá tā 'dĩ'bée 'duúpi ngaápi ku rĩ, índré sū 'bá mị be ẹsịpi gí, āngū ndreēpi ku rĩ tīnị. 'Bá tā 'oópi 'díní 'dĩri, tā ĩ ní ĩri trūzú ĩrivé ũnjíkānyā agásī rĩ āvī ẹsị ní agásī gí.

¹⁰ Kúru má ẹdrípíi má ómvúpíi, lē ĩmi 'okí tā lūúpi 'yozú kíní, ádarú Múngú ũpē ĩmi ní, āzini

zị ĩmi ímụ adrií 'bá ívé ni. Ĩmi 'dukí dō tā 'dĩ'bée ngaá sụ 'dĩri tịni, ĩmi ícókí í'dé ĩmivé ẹ'yịngará agásí ku.

¹¹ 'Bávé Úpí Yésũ Kúrísítō 'bâ Paápi rĩ ímụ ĩmi ẹ'yí drị ĩrị sị fi mǎlũngǎ adrizú ǎní 'dáni'dáni rĩ agá rá.

Tā Búkũ Múngú vé rĩ ní átá rĩ

¹² Ĩmi nĩkí dō tā rĩ gí, ǎzini ĩmi tukí dō pá tā áda rĩ agá títị drǎáǎsīyǎ, á lē tā 'dĩ'bée ẹndịi ũlũú ĩmi ní dđi dđi.

¹³ Má ní drĩ adrizú ídri rú rĩ gé, má ỹsũ ĩri múké má ní tā 'dĩ'bée ũlũzú ĩmi ní, tā ni ǎ ǎvĩ rí ĩmĩ ẹsị agásí ku.

¹⁴ ǎ'diǎtǎsīyǎ á nĩ rá 'bávé Úpí Yésũ Kúrísítō lũ má ní uletere kĩnĩ, ma ílókō drǎdrǎ.

¹⁵ Kúru á lē ỳ'bịi ũkpō sị tā 'dĩ'bée ímbá ĩmi ní, lókí má ní adrizú 'dǎáyo rĩ gé, ĩmi 'bǎkí rí tā 'dĩ'bée áwí kuú ĩmĩ ẹsị agá.

¹⁶ Ú'dógú'dógú 'bá ní ũlũú ĩmi ní 'bávé Úpí Yésũ Kúrísítō vé ịgōngará ũkpō be rĩ ǎ tā sị 'dĩri, adri 'yozú kìnĩ, 'bá ǎzi ígá tā ni 'í drịgé yǎ 'dini kuyé, 'bâ ri ǎmbũgũ Yésũ vé 'bá ní ndreeé 'bâ mị sị rá rĩ ǎ tā ũlũ.

¹⁷ Ẹtẹpi Múngú sē ĩri ní ǎmbũgũ, ǎzini íngú ĩri rá. Múngú Ũkpō 'Dịpa kìnĩ, “Mvá 'dĩri mávé má ní lēlē rĩ, ma adri ĩri sị ǎyĩkō sị.”

¹⁸ 'Bá yikí ỳ'dụkọ rĩ íbí íkú 'bụ gélésíla, ịsụ 'bâ Yésũ pi be trụ írǎ uletere rĩ drịgé 'dǎá.

¹⁹ Tā nẹbị rĩ pi ní ũlũú 'bá ní 'dĩ'bée tā áda. Kúru lē ĩmi 'bǎkí ẹsị rizú ỳ'dụkọ kọpi ní ũlũú

'dĩ'bée yizú múké múké, ã adri rí sũ ãmi ní lám bã 'yũu dĩ ãni sĩ rĩ tĩni. Lẽ ãmi 'bãkĩ tã ni adrii kuú ãmĩ ẽsĩ agá, cĩmgbá ỳtũ rĩ ní ãfũngará gá, ãzini mārãbã ỳ'bũtĩnã vé rĩ* ní dĩzũ ãmĩ ẽsĩ agá.

20 'Bo lẽ ãmi nĩkĩ ámã múké 'yozũ kĩnĩ, tã nẽbĩ rĩ pi ní ãlũũ, ã ní sĩ Bũkũ Mũngũ vé rĩ agá 'dĩ'bée, adri 'yozũ kĩnĩ, 'bã ãzi ígã 'í dĩrĩgẽ yã 'dĩni kuyé.

21 ã'diãtãsiyã tã nẽbĩ rĩ pi ní ãlũũ rĩ, 'bã ãzi ígã tã ni 'í dĩrĩgẽ kuyé, 'bã Mũngũ ní ỳpẽ nẽbĩ rũ rĩ pi rikĩ Mũngũ vé ỳ'dũkũ ãlũũ ỳkpõ Índrĩ Uletere rĩ vé rĩ sĩ.

2

'Bã tã ãmbã'bã ỳnjõ sĩ rĩ pi

1 Ọtũ nẽbĩ ỳnjõ rũ ni pi anigẽ ãsẽrẽlẽ rĩ pi ãsãmvũ gẽ. 'Bã rĩ'bã tã ãmbã'bã ỳnjõ sĩ ni pi kpã ãmũ ã ãnjẽ ífĩ ãmi ãsãmvũ gẽ, tã kũpi ní ãmũ ãmbã rĩ, ãri 'bã izaza, kũpi Ụpĩ ã paãpi tã ỳnjĩ agãsĩ rĩ gã sĩ, kũpi dĩrã ãjĩ ã dĩrĩgẽ ỳgõgõlẽ rũ.

2 'Bã trẽ pi ãmũ kũpivẽ ãbãngará ỳnjĩ, ãzini tã kũpi ní rĩi 'oó dĩrĩnjã sẽepi rĩ 'dũ nga áyu, ãri sẽ 'bã rĩ pi tã áda Mũngũ vé rĩ idede.

3 Kũpivẽ ẽsĩ 'bãã ãmbũgũ ngã dĩrĩgẽ rĩ sĩ, ãri sẽ kũpi ãmi ỳbẽ ỳ'dũkũ múké sĩ lẽzũ ãmivẽ mũfẽngã u'dũzũ ãmi dĩrĩgẽ sĩ rá. 'Bã 'dĩni 'dĩ'bée, Mũngũ lĩ tã kũpi dĩrĩgẽ ãnógõsĩ gĩ, kũpivẽ dĩrãngará 'dũ sã ku.

4 Mãlãyĩkã ỳnjĩkãnyã 'o'bã rĩ pi, Mũngũ ku kũpi kãna kuyé, ỳmbẽ kũpi ỳ'bẽ ãzãngã nyãã 'bũ

* 1:19 1:19 Mārãbã ỳ'bũtĩnã vé rĩ: Mārãbã ỳ'bũtĩnã vé rĩ Yẽsũ 'i.

'a be nīpi ciji rĩ agá, cĩmgbá lókí ĩ ní ímúzá tã lizú kòpi drĩgé rĩ gé.

⁵ Lókí Núwã* vé rĩ gé, 'bá ùnjĩkãnyã 'o'bá rĩ pi, Múngú ě ẹsì ícá kòpi ní ùká ùká, Múngú sē yĩ tĩ kòpi ìmũlũú, kòpi ùdráki céré. Múngú pa Núwã tã piri rĩ ùlũúpi rĩ ívé 'bá ẹzĩrĩ rĩ pi be drã agásĩ rá.

⁶ 'Bá ùnjĩkãnyã 'o'bá kũrú Sòdómò vé rĩ agá, àzini Gòmórã vé rĩ agá rĩ pi, Múngú zã kòpi veé àcí sĩ, kòpi ciki kuú úfúrágú rú. Múngú 'o tã 'dĩri 'dini, 'bá 'i nī'bá ku rĩ pi ã nīkí rí áamá 'yozú kínĩ, 'i kpá ímú kòpi zã ve àcí sĩ sũ 'dĩri tĩni.

⁷ Múngú ípá Lótò ri àcí agásĩ ĩri ní tã 'oó piri rĩ sĩ. Ùnjĩkãnyã 'bá Sòdómò gá rĩ pi ní 'oó drĩnjá sēepi 'dĩri, sē Lótò ní àyĩkò àluṅáni kuyé.

⁸ Lótò ri 'bá tã 'oópi piri ni, ri adrii 'bá ri'bá ùnjĩkãnyã 'o'bá 'dĩ'bée àsámví gé, ú'dú àlu àlu, ĩri ri ùnjĩkãnyã kòpi ní rií 'oó rĩ ndre, àzini átángá ùnjí ùnjí kòpi ní rií átá rĩ pi yì 'í bí gé, tã 'dĩ'bée sē ĩri ní àyĩkò àluṅáni kuyé.

⁹ Tã rĩ dõ 'dĩri tĩni, Úpí Múngú ri 'bá tã 'o'bá piri rĩ pi pa tã kòpi ísú'bá rĩ pi agásĩ rá, 'bo ĩri tã ùkpó ùkpó ni 'bã 'bá ùnjĩkãnyã 'o'bá rĩ pi drĩgé, cĩmgbá cazú lókí ĩ ní ímúzá tã lizú kòpi drĩgé rĩ gé.

¹⁰ 'Bá ri'bá ẹbiri rú'bá nōri vé rĩ ã tã 'du'bá nga'bá, ùnjĩkãnyã 'o'bá, ùkpò Múngú vé rĩ gã'bá sĩ rĩ pi, Múngú ri ímú kòpi ĩrĩṅã rá.

* **2:5 2:5 Núwã:** Núwã adri sã 'bá rĩ pi ní ùnjĩkãnyã 'ozú ùnjí 'dãri gé rá, kúru Múngú ní ĩri zizú ã údé kùlúmgbã, yĩ rĩ kãdò ímú tĩ, ã pa rí ĩrivé 'bá rĩ pi ĩrivé ànyãpá rĩ pi ã urukò pi be. 'Í lã í'dóngará 5-9.

'Bá 'díní 'dĩ'bée ri tã rĩ 'o mužú drĩ ũkpó sī, kòpì áfú rú, āzini ìlékèléná rú, kòpì ri mālāyíkā 'bũ gé rĩ pi u'da ũrĩ ākó.

¹¹ Mālāyíkā rĩ pi vé ũkpō ã ndē dō 'bá āngũ ímbá'bá ũnjō sī 'dĩ'bée vé rĩ rá drāāāsīyā, kòpì tōkí 'bá ũnjó rú 'dĩ'bée kuyé, āzini u'dakí kòpì Úpí Múngú ẹndrẹtị gé kuyé.

¹² 'Bá āngũ ímbá ũnjō sī 'dĩ'bée, kòpì ri tã kòpì ní nñi kuyé rĩ pi ide, kòpì ri tã ì ní lěé rĩ 'du nga ẹnīākō sī. Kòpìvé úmĩ sũ ānyāpá rĩ pi vé rĩ tịnị, ì ímụ kòpì ú'dị ũdrā sũ ì ní ānyāpá rĩ pi ú'dị ũdrā rĩ tịnị.

¹³ 'Bá 'díní 'dĩ'bée ri ũnjīkānyā rụ'bá nōri ní āyīkō sēepi ni 'o andrekelemgbe ũtúná sī, kòpì ri tã ũnjí ũnjí aga'bée rá ni pi 'o mužú, vūrā 'bá rĩ pi ní ì úmúzu ngá nyazú rĩ gé, kòpì ri ũnjīkānyā drīnjá sēepi ni 'o 'bá rĩ pi āsámvú gé. Tã kòpì ní 'oó ũnjí 'dĩ'bée sī, Múngú ri ímụ kòpì 'o ānị ũnjí.

¹⁴ Tã kòpìvé ríí 'oó mužú rĩ, rizú ọwũ 'bázú mužú bādārú, kòpì kukí ũnjīkānyā 'ongará ku. Kòpì 'bá úmĩ ākó rĩ pi ẹ mị ũ'bā 'de tã ũnjí agá mbèléná, kòpì 'bākí ẹsị āmbúgú ngá drīgé. 'Bá 'díní 'dĩ'bée, trikí kòpì gí.

¹⁵ Kòpì kukí tã pịrị rĩ ã 'ongará ānị, kòpì gōkí ríí tã gōrōṅō rú ni 'oó mužú, sũ Bālámũ Bēórā mvọpì ní lěé mufēngā ndāá ịsụ lẹtị ũnjí sī rĩ tịnị.

¹⁶ 'Bo nẹbị Bālámũ vé dōngí átá ũnjīkānyā Bālámũ ní 'oó rĩ ã tã drĩ ni gé. Dōngí rĩ átá sũ 'bá áda ní átá rĩ tịnị, sē Bālámũ ku ívé tã ríí 'oó ẹnīākō vé 'dĩri rá.

¹⁷ 'Bá āngũ ímbá'bá ũnjō sī 'dĩ'bée adrikí sũ

kídí njuúpi gí rĩ tĩni, ãzini kôpi adrikí sũ ìrĩbĩtì yĩìgò vé ùlì ní viì 'dĩsĩ rá rĩ tĩni. Múngú údé kôpi ní vũrã ìzãngã nyazú ambamba ni kú ìnógòsì gí, ìri ri kôpi tē.

¹⁸ Kôpi ãfú rú, kôpi ri átángá 'bá ìzã koópi ku ni pi átá, kôpi ri tã rù 'bá nōri vé rĩ pi 'o 'bá rĩ pi ãsãmvú gé andrekelemgbe, kôpi ri tã 'dĩ'bée 'o 'dĩni, 'bá ẹsì újã'bée ú'dí rú ùnjĩkãnyã agásĩ rĩ pi úbézú, kôpi ã fikí rí tã ùnjí 'oó bēsĩnĩ.

¹⁹ Kôpi ri 'yo 'bá rĩ pi ní, 'bá rĩ pi ẹ'yĩkí dō tã ì ní ìmbá rĩ rá, kôpi ìmù drĩwãlã ìsù rá. 'Bo ìsùzú 'bá ãngũ ìmbá'bá ùnjō sĩ 'dĩ'bée, kôpi túgẽrĩ ri'bá ùnjĩkãnyã 'o'bá ni pi, ã'diãtãsiyã 'bá riipi ùnjĩkãnyã 'oópi rĩ, ìri túgẽrĩ ùnjĩkãnyã rĩ drĩgè.

²⁰ 'Bá ãngũ ìmbá'bá ùnjō sĩ 'dĩ'bée ẹ'yĩkí kòdò 'bávè Úpí Yèsũ Kúrísítò 'bã Paápi rĩ gí, kôpi ìfũkí ùnjĩkãnyã nyòókú nōri vé rĩ agásĩ gí, 'bo ùnjĩkãnyã rĩ gō kpá kôpi ìmũlũú dđĩ, sè nóni kòpivé tã rií 'oó rĩ gō ícá ùnjí drĩdrĩ 'dãri nděé.

²¹ 'Bá 'dĩ'bée ã nĩkí té dō létì Múngú vé tã 'ozú pìrì rĩ kuyé, ìri té adri múké, ìsùzú kôpi nĩkí rá, 'bo kôpi gãkí tãimbì Múngú vé uletere ì ní ìmbá rĩ 'dugá ngagá sĩ.

²² Tã ì ní átá 'dĩ'bée tã áda, “Ûcógú ri úgbé, ìri gō újã ívé úgbé mbe. Ìgá ri 'i ùjĩ múkényã rú, ìri kpá gō fi 'i ùnjō ùtrètrè sĩ dđĩ.”

3

Úpí Yèsũ vé ìgõngará

¹ Īmi mávé ũndĩ má ní lēélē rĩ pi, á sī ĩmi ní kōkōbĩ rĩ sēé drīdrī ni rá, āzini má ní sīí sēé ĩmi ní 'dĩ. Kōkōbĩ má ní sīí sēé ĩrĩ 'dĩ'bée, á sī sēé ĩmi ímbázú āní, ĩmi kádō lāá, tā ni ā āvĩ rí ĩmĩ éşĩ agásĩ ku.

² Á lē ĩmi 'bākĩ tā nébĩ Múngú ri nĩ'bá rá rĩ pi ní ọtụ átá 'dāri kú ĩmĩ éşĩ agá, āzini lē ĩmi 'bākĩ tā Úpĩ 'bá Paápi rĩ ní ẹziĩ ívé 'bá áyúāyū rĩ pi tị gé rĩ kú ĩmĩ éşĩ agá.

³ Drīdrī ni, tā má ní lēé ĩmi nĩkĩ ámá múké rĩ, ĩri 'dĩ, ụ'dụ ụdụ vé rĩ gé, 'bá ụrụkọ pi ímụ tā áda ĩmi ní rií 'oó rĩ gụgụ, kọpi tā ũnjĩ ĩ ní lēé rĩ pi 'du nga áyu.

⁴ Kọpi 'yo, “Yésũ kĩnĩ, 'i ímví ĩgō rá pírí, ímví dí kuyé āsĩ? Í'dózú 'bá é'bípĩ ní ũdrázú rĩ gé 'dāá, āzini Múngú ní 'bũ pĩ gbizú vū be rĩ gé 'dāá, cĩngbá āndrũ sī, tā rĩ pi áwíkĩ adrií kuú ũku rĩ tịnị.”

⁵ 'Bá 'dĩ'bée nĩkĩ ámá rá 'yozú kínĩ, Múngú gbi 'bũ pi vū be nĩ, ri átá tị sī, gbi nyọókú rĩ yĩ sī, aco yĩ rĩ mụzú āndiāndí, nyọókú rĩ ní índrészú, 'bo kọpi āvĩkĩ tā 'dĩri sī ākā.

⁶ Múngú gō yĩ 'í ní nyọókú rĩ gbizú āní 'dāri sēé tị, yĩ rĩ ú'dĩ 'bá rĩ pi, ngá ídri be rĩ pi be ũdrāá céré 'dĩsĩ rá.

⁷ 'Bo Múngú átá ịnógósĩ kĩnĩ, 'bũ 'bá ní ndree āndrũ nōri, āzini vū 'bá ní adrií drī ni gé nōri, 'i ímụ kọpi zā ve ācí sī, kọpi tē ku 'dĩni, cĩngbá lókĩ 'í ní ímụzú tā lizú 'bá rĩ pi drīgē rĩ gé, 'bá 'i nĩ'bá ku rĩ pi, 'i ímụ kọpi zā ve ācí sī.

⁸ Īmi mávé ũndĩ má ní lēélē rĩ pi, lē ĩmi 'bākĩ ĩmi drīgē 'yozú kínĩ, ụ'dụ ālu índré Úpĩ Múngú

vúgá 'dǎá ílí élífũ ãlu tịnị, ú'dú élífũ ãlu índré ú'dú ãlu tịnị.

⁹ Tǎ Úpí ní ẹzií 'yoó kíní, 'i ìgō rá rĩ, 'bá urukọ'bée ụsũkí kíní, ícọ ìgōó mbêlêṅá ku. 'Bo adri 'díní kuyé, Úpí rí tǎ rĩ 'o mụzú mǎdǎ ìmi tǎ sǐ, ǎ'diātāsīyǎ Úpí lě 'bá ãlu ãlu ǎ ku ùnjìkǎnyǎ 'ongárá ǎní, ǎ drǎ rí ku.

¹⁰ Ụ'dú Úpí ní ímvízú rĩ, 'bá ǎzi ícọ nịí ku, ìri ícá ǎngũ ísú dũ, sũ ụgụ'bá ní ímụ ngá ụgụ rĩ tịnị. ǎngũ rĩ ímụ lĩ 'bũ gé 'dǎá kúbí be mgbĩrĩ, 'bũ rĩ kúru áfí 'dǐsĩ rá, ì ngá 'bũ gé 'dǎá rĩ pí zǎ ve ǎcí sǐ mgbĩlímgbĩlĩ, ì kpá vũ rĩ zǎ ve ngá 'a ní gé rĩ pí be mgbĩlímgbĩlĩ.

¹¹ Ngá vũ drĩgé nōgọ rĩ pí, ì dō ímụ zǎ ve ǎcí sǐ 'dĩri tịnị, ngá múké rĩ, lě ìmi ngakí ẹzị Múngú ní, ǎzini ìmi ìnjìkí Múngú rí.

¹² Lě ìmi 'bǎkí mị rizú ú'dú Múngú ní ímúzú tǎ lịzú 'bá rĩ pí drĩgé 'dǎri ùtēzú. Lě ìmi ụsũkí 'yozú kíní, ú'dú 'dǎri vé ícángárá vűvű yǎ 'díní ku, ìri ícá ú'díkírĩṅá nōgọ. Ụ'dú 'dǎri gé, 'bá 'bũ gé 'dǎá rĩ pí, ngá 'bũ gé 'dǎá rĩ pí be, ǎzini 'bá vű drĩgé nōgọ rĩ pí, ngá vű drĩgé nōgọ rĩ pí be, ì kọpí zǎ ve ǎcí sǐ mgbĩlímgbĩlĩ.

¹³ 'Bo 'bǎ rí ẹsị 'bǎ 'bũ ú'dí, ǎzini vű ú'dí Múngú ní ẹzií 'bá ní 'dǎri ùtēzú, vűrǎ rĩ údékí ǎngírí 'bá tǎ 'o'bá pịrị rĩ pí ní.

¹⁴ Ìmi mǎvé ùndĩ má ní lěélě rĩ pí, ìmi ní rizú ẹsị 'bǎzú tǎ 'dĩri ùtēzú rĩ gé, lě Úpí Ẹsũ ẹ ísú ìmi uletere, ùnjìkǎnyǎ ǎkọ, tǎ be kírí Múngú ẹndrẹtị gé.

¹⁵ Lě ìmi 'bǎkí ìmi drĩgé 'yozú kíní, tǎ Úpí ní

éşí 'bāzú mādā ícázú mbēlēñá kuyé rĩ, ku 'bá rĩ pi ní sâ, 'bá rĩ pi ã újákí rí éşí ãní. Tã 'dĩri sũ nyo Múngú ní úmĩ sēé 'bá ógúpì Páũlũ 'bá ní lēélē rĩ ní, ĩri ní tã rĩ sĩĩ sēé ĩmi ní rĩ tĩñì.

¹⁶ Kòkòbì Páũlũ vé ĩri ní sĩĩ 'dĩ'bée agásĩ, átá tã 'dĩ'bée céré rá, 'bo tã ĩri ní sĩĩ 'dĩ'bée ụrụkọ mbamba, ífífí nì ícókí nĩĩ bā ku. 'Bá ụrụkọ tã nĩ' 'bá ku rĩ pi újákí ĩrivé kòkòbì sĩĩ 'dĩri ũlũú ũ'dũ be túngú, sũ kòpi ní tã Búkũ Múngú vé rĩ agá rĩ újá ũlũú ũ'dũ be túngú rĩ tĩñì.

¹⁷ ĩmi mávé ũndĩ má ní lēélē rĩ pi, sũ ĩmi ní tã 'dĩ'bée nĩĩ rá rĩ tĩñì, lē ĩmi adrikí mị be kowu, 'bá ri' 'bá ũnjĩkányā 'o' 'bá rĩ pi ã úbékí rí ĩmi fíí ũnjĩkányā 'oó ku.

¹⁸ Éşí múké, āzini tã nñgárá íngápi 'bávé Úpí Yésũ Kúrísítō 'bā Paápi rĩ vúgá rĩ, ã sē ĩmi tuki pá ũkpó ũkpó. Lē ē íngúkí Yésũ ri mužú nyonyo! Āmĩnã.

Keliko

Keliko: Ụ'dụkọ Múké Múngú vé rị New Testament+
copyright © 2017 Wycliffe Bible Translators, Inc.

Language: Keliko

Contributor: Wycliffe Bible Translators, Inc.

All rights reserved.

2025-05-06

PDF generated using Haiola and XeLaTeX on 6 May 2025 from source files
dated 6 May 2025

14717198-957a-524c-b31f-2c3197945b20